

Kisa Mkasa

Mfano- Mtazamo wa watu kuhusu umasikini Katika Halmashauri ya Mtwara/ Mikindani

Masikini sana

- Mtu aliyekata tamaa
- Hawezi kutosheleza mahitaji yake ya msingi k.v. chakula, mavazina makazi.
- Anategemea wengine wampe chochote ni omba omba
- Hachagui ajira atafanya kazi yeyote aweze kupata mradi wake.
- Hana mwanzo wala mwisho hajui la kufanya
- Hamiliki ardhi au rasimali nyingine yeyote
- Hupata mlo mmoja tu kwa siku
- Kipato chake hakikidhi mahitaji ya msingi
- Mgonjwa mwenye uwezo mdogo wa kufikiri
- Mjinga haujui kusoma wala kuandika
- Hana ajira wala hajajajiri
- Jamii wala ndugu hawamtegemei
- Ni rahisi kufa pakitokea tatizo lolote

Mfano - Kisa Mkasa cha Sofia Pesatatu (Mjane)

Sofia Pesatatu ni mama wa watoto watatu. Anatokea kijiji cha Mahuta katika wilaya ya Newala. Ana umri wa mika 33. Kwa sasa Sofia anaishi katika Kata ya Vigaeni Ward Halmashauri ya Mji wa Mtwara/Mikindani. Sofia aliolewa na Alli Sumaku, amabaye ni mfanyabiasha mwaka 1984. Waliishi mjini Dar es Salaam. Katika kipindi cha ndoa yao, walifanikiwa kujipatia mali zifuatazo:

- Kiwanja kwa ajili ya makazi huko Kurasini, Dar es Salaam
- Shamba na nyumba huko Nanyamba, Mtwara Vijijini
- Vifaa vya nyumbani

Mnamo mwaka 1987 mume wa Sofia alifariki dunia kutokana na ajali ya gari huko Dar es Salaam. Marehemu aliacha mtoto mmoja. Baada ya tukio hilo ilibidi Sofia arudi kwao Mtwara ili kuishi na wakwe zake. Katika muda wa mwezi mmoja mali na vifaa vya mume wake viligawiwa kwa ndugu za marehemu bila yeye mwenyewe kufahamu wala kutoa kauli yeyote. Kutokana na tatizo hili la mirathi na matatizo mengine yaliyozuka baada ya kifo cha mume wake, Sofia aliamua kurudi kwa wazazi wake huko Mahuta Newala.

Mwaka 1988 Sofia aliolewa tena na mfanya biashara wa Newala na walihamia mjini Mtwara. Walifanikiwa vile vile kujipatia mali kama vile cherehani, na vifaa vingine. Sofia alibahatika kupata watoto wawili Kwa bahati mbaya mumewe wa pili pia laifariki dunia mwaka 2000.

Kwa sasa Sofia anaishi na watoto wake watatu wenye umri wa miaka kati ya 8 na 12. Watoto wote wanasoma na Sofia anafanya biashara ndogo ndogo ili kujikimu. Sofia alielezea mkasa wake kwa uchungu mkubwa huku akikubali kuwa yote yametokana na mapenzi ya Mungu.

Maskini

- Hana huduma nyingine yeyote zaidi ya chakula, mavazi na makazi
- Mara nyingi yupo katika matatizo.
- Anamudu kuwapatia watoto elimu ya msingi
- Hapati msaada wowote.
- Ana watoto wengi
- Elimu yake ni ndogo/duni
- Mlevi
- Ana uwezo wa kufanya kazi lakini hana vitendea kazi, wala raslimali
- Ni mzururaji
- Ni bahati kwake kupata milo mitatu kwa siku.
- Hana uhakika wa maisha yake kwa siku zinazokuja
- Anamiliki nyumba chakavu
- Anamiliki ardhi kidogo kwa ajili ya mazao ya chakula. Mazo hayaridhishi
- Mwenye kipato cha familia kubwa
- Huduma za msingi anazopata haziridhishi

Huu ni mfano wa mjane mmoja kati ya wajane wengi katika jamii waliodhulumiwa haki na kunyanyaswa na ndugu za waume zao.